

四庫全書

經部

欽定四庫全書

經部

呂氏家塾讀詩記卷二十一

詳校官監察御史臣邱庭澍

通政使司副使臣莫瞻菴覆勘

總校官降調編修臣倉聖脉

校對官學正臣翁樹棠

謄錄監生臣周元祚

欽定四庫全書

呂氏家塾讀詩記卷二十七

宋 呂祖謙 撰

蕩之什

蕩唐黨反召穆公傷周室大壞也

歐陽氏曰穆公見厲王無道知其必亡而自傷周室
爾所以言不及厲王而遠思文王殷商也 蘇氏曰
蕩之所以為蕩由詩有蕩蕩上帝也詩序以為天下

蕩蕩無綱紀文章則非詩之意矣

蕩蕩上帝下民之辟

必亦反

疾威上帝其命多辟

匹亦反

天

生烝民其命匪諶

亦林反

靡不有初鮮克有終

歐陽氏曰蕩蕩廣大也

呂氏曰蕩蕩乎上帝吾王

非下民之君乎疾威上帝吾王之命何多僻乎窮而

呼天之辭也

毛氏曰辟君也

鄭氏曰多辟多耶

僻烝衆鮮寡克能也

李氏曰疾威上帝者因厲王

之疾威又呼天而告之也

朱氏曰諶信也天生衆

民其命有不可信者其降命之初無不善者而人少
能以善道自終是以致此大亂蓋始為無所歸咎之
辭而卒自解之如此 王氏曰民受天地之中以生
所謂命也能者養之以福不能者敗以取禍受天地
之中一也則靡不有初敗以取禍者衆則鮮克有終
鮮克有終則命靡謔矣

文王曰咨咨女殷商曾是彊禦曾是掊

蒲侯反

克曾是在

位曾是在服天降滔

他力反

德女興是力

歐陽氏曰二章以下乃條陳王者之過惡言此等事
皆殷紂所行文王咨嗟以戒於初而厲王踐而行之
於終也 毛氏曰彊禦彊梁禦善也服服政事也滔
慢也 王氏曰所使在位在服皆彊禦掊斂好勝之
人也彊禦掊斂是謂滔德 蘇氏曰天降是人以妖
孽天下女又興而任之何哉 東萊曰力言任之之
堅也

文王曰咨咨女殷商而秉義類彊禦多慙

直類反

流言以

對寇攘式內侯作

側慮反

侯祝

周救反

靡屆靡究

朱氏曰而亦女也義類猶善道也懟怨也 王氏曰

女為人君以秉義類為事乃彊禦多懟有忠告善道

則以流言對所為如此非所以秉義類也 鄭氏曰

寇盜攘竊為姦宄者而王信之使用事於內 毛氏

曰作祝詛也屆極究窮也 鄭氏曰侯維也與羣臣

乖爭相疑而詛祝無極也 釋文曰作本或作詛

東萊曰無道之君雄猜忌克不責己而怨人故曰彊

禦多懟其門規諫謾為浮語以應之而心不在焉故

曰流言以對

文王曰咨咨女殷商女魚

白交

魚焦火交

于中國斂怨以

為德不明爾德時無背

布內反

無側爾德不明以無陪

蒲回

反無卿

毛氏曰魚焦猶彭亨也

鄭氏曰魚焦自矜氣健之貌

無背無側後

無臣側無人也無陪無陪貳也無卿無卿士也陳

氏曰紂虛驕作氣於中國

朱氏曰斂怨以為德多

為可怨之事而力行之也 李氏曰亂世之君是非

顛倒邪正錯亂無人以輔弼之故也故曰不明爾德

時無背無側爾德不明以無陪無卿

文王曰咨咨女殷商天不湏

面善反

爾以酒不義從式既

愆爾止靡明靡晦式號式呼俾晝作夜

蘇氏曰湏沈湏也

孔氏曰酒誥注云飲酒齊色曰湏然則湏者湏然齊一之辭

止

容止也 陳氏曰天之立君以為民也未嘗使汝沈

湏如此

朱氏曰天不使爾沈湏於酒而惟不義之

從也式用也法也 孔氏曰既懲汝之容止又無明

無晦而飲酒不息叫號謹呼使晝日作夜不嘗視事

文王曰咨咨女殷商如蜩如蟥音唐如沸如羹小大近喪

人尚乎由行內曩皮器反于中國覃及鬼方

毛氏曰蜩蟬也蟥音偃也孔氏曰釋虫云蜩蟥

三輔以西為蜩梁宋以東謂為蟥然則蟥蟥亦蟬之別名耳曩怒也鬼方遠方也

孔氏曰易既濟高宗伐鬼方鄭氏曰飲酒號呼之聲如蜩蟥之

鳴其笑語沓沓又如湯之沸羹之方熟殷紂之時君

臣失道如此者喪亡矣時人化之甚尚欲從而行之
不知其非 王氏曰昏亂如此故內自中國外及鬼
方莫不怒也 孔氏曰覃及延及也

文王曰咨咨女殷商匪上帝不時殷不用舊雖無老成
人尚有典刑曾是莫聽大命以傾

朱氏曰非上帝為此不善之時但以殷不用舊致此
禍爾老成人舊臣典刑舊法也 王氏曰雖無老成
人與圖先王舊政然典刑尚在可循守也曾是莫聽

此大命所以傾也 東萊曰大命國命也

文王曰咨咨女殷商人亦有言顛沛之揭

紀竭反

枝葉未

有害本實先撥

蒲末反

殷鑒不遠在夏后之世

毛氏曰顛仆沛拔也

鄭氏曰揭蹶貌撥猶絕也言

大木揭然將蹶枝葉未有折傷其根本實先絕 歐

陽氏曰枝葉未有害本實先撥者謂紂時宗廟社稷

猶在天下諸侯未盡叛但王自為惡盈滿而禍敗爾

蓋穆公作詩而周室尚存然知其必亡者以王為無

道根本先壞爾王者國之本也又曰殷鑒不遠在夏
后之世者言非獨文王之鑒殷殷之初興以鑒夏之
亡也謂今既然則後之興者當又鑒厲王也此言傷
之尤深者

蕩八章章八句

抑衛武公刺厲王亦以自警也

李氏曰說此詩者分別以為如何是刺厲王如

何是自警非也且如此詩首章言威儀以刺王之不能慎其威儀也然則已亦當慎威儀矣不必分別也抑
抑威儀維德之隅人亦有言靡哲不愚庶人之愚亦職

維疾哲人之愚亦維斯戾

毛氏曰抑抑密也

孔氏曰舍人曰抑威儀靜密也

隅廡也

孔氏曰隅者角

也廡者稜也角必有稜故云隅廡

王氏曰德譬則宮城也儀譬則

隅也視其隅則宮城之中可知矣有諸中必形於外

故也 鄭氏曰古之賢者道行心平可外占而知內

今王暴虐賢者皆為愚不為容貌如不肖然 王氏

曰庶人之愚亦職維疾者則天性之疾也孔子曰古

者民有三疾 鄭氏曰衆人無知愚是其常也賢者

而為愚畏懼於罪也 東萊曰此詩以威儀為主乃
自古論修身者之所同蓋至切至近莫過於此也厲
王非特自燕喪威儀至使賢者皆不敢修飾愚以求
免其時蓋可知矣人亦有言者時人之語也

無競維人四方其訓之有覺德行四國順之訐
況于反 謨
定命遠猶辰告敬慎威儀維民之則

鄭氏曰競強也人君為政無強於得賢人得賢人則
天下化 李氏曰苟能得人則四方皆訓效之矣

歐陽氏曰覺警動也言德行修著可以動人則四國服從矣 毛氏曰訐大也謨謀也辰時也 鄭氏曰猶圖也則法也 蘇氏曰人君必先任賢臣內秉德以服天下然後先事而大謀以定政命遠圖而時告之政事既修又能敬其威儀以為民則則所以為國者略備矣 東萊曰動民以行不以言德行者不言而信覺民之大者也故曰有覺德行四國順之所謀不止於一身而計天下之安危所謀不止於一時而

監百世之損益所謂大其謀也既大而謀以定其命
矣猶未敢輕出復詳慮却顧思其所終稽其所弊然
後以時而播告焉故曰訏謨定命遠猶辰告用人也
修德也出命也治道之大端既備又終之以威儀者
蓋本其切近者言之以承前章之意也

其在于今興迷亂于政顛覆厥德荒湛

都南反下同

于酒女

雖湛樂從弗念厥紹罔敷求先王克恭明刑

歐陽氏曰一章二章皆汎論此章乃專以刺王王

氏曰其在于今興迷亂于政者今厲王興而迷亂于政也顛覆厥德以荒湛于酒 鄭氏曰荒廢湛樂也

王氏曰汝雖湛樂之從弗念為人子孫當紹祖考言當念之也 王氏曰弗念厥紹故罔敷求先王克

共明刑也克共者不敢慢之謂也

李氏曰曾不知先王之成法以敬其

明刑 鄭氏曰敷廣也

肆皇天弗尚如彼泉流無論

音倫

胥以亡夙興夜寐洒埽

廷內維民之章修爾車馬弓矢戎兵用戒戎作用邊

他

反
蠻方

王氏曰肆皇天弗尚者厲王所為如上所刺故今皇

天弗尚也

李氏曰天弗崇尚者

毛氏曰淪率也鄭氏曰胥

皆也

朱氏曰弗尚厭棄之也天所不尚則淪胥以

亡如泉流之易矣言無者戒之欲其不至是也歐

陽氏曰淪胥以亡者君臣皆將滅亡也毛氏曰洒

圖章表也過遠也

陳氏曰王若不慎則君臣相陷

溺而俱亡矣正宜早夜自為潔除以為民之章修戎

器以防內外庶幾免陷溺也 李氏曰洒埽廷內只是修潔其朝廷爾當時沉荒于酒貪目前之樂而忘意外之變故戒之以修武備也 鄭氏曰用戒戎作用此備兵事之起蠻方九州之外不服者 王氏曰用攘蠻夷而逖之也

質爾人民謹爾侯度用戒不虞慎爾出話敬爾威儀無不柔嘉白圭之玷

丁韞反

尚可磨也斯言之玷不可為也

毛氏曰質成也

歐陽氏曰質定也

蘇氏曰侯度天子所以

御諸侯之度也天子苟內失其人民外慢其諸侯則將有不虞之禍起 朱氏曰話言也 鄭氏曰嘉善也 毛氏曰玷缺也 鄭氏曰玉之缺尚可磨鑢而平 朱氏曰玉玷尚可磨言語一失莫能救之其戒深切矣 東萊曰柔者遜順之辭也

無易由言無曰苟矣莫捫音門朕舌言不可逝矣無言不讐無德不報惠于朋友庶民小子子孫繩繩萬民靡不

承

孔氏曰王無得輕易於言語無得言苟且如是假有不善人無執持我舌而不聽我言者言往則不可復改故須慎之 毛氏曰莫無捫持也 孔氏曰釋詁云朕我也自周以前朕為通言 鄭氏曰逝往也

朱氏曰讐荅也 李氏曰言出乎身加乎民行發乎邇見乎遠出其言善則千里之外應之不善則千里之外違之言行君子之樞機其施報必然不可掩也 王苟能惠於朋友以及庶民小子則子孫繩繩然萬

民亦莫不承順之矣惠之所及子孫且受其福則怨之所積雖子孫亦受其禍矣 孔氏曰朋友謂諸侯及卿大夫等下及庶民之子弟小子 蘇氏曰子孫繩繩而不絕也 東萊曰由言言之所由發也

視爾友君子輯

音集

柔爾顏不遐有愆相在爾室尚不愧

于屋漏無曰不顯莫予云覲神之格思不可度思矧可

射

音思亦

歐陽氏曰戒王起居左右當友君子和柔其順以接

之以習為善道則庶幾遠罪也不遐遐也詩人語常如此 毛氏曰輯和也西北隅謂之屋漏覲見也格至也 鄭氏曰遐遠也矧况射厭也 朱氏曰視爾獨居於室中之時當庶幾不愧于屋漏然後可無曰此非顯明之處而莫予見也當知神之至也不可得而測度又豈可厭倦而不敬乎此言當戒懼乎其所不覲恐懼乎其所不聞而慎其獨也是則修之至也 東萊曰思語辭也此章戒厲王以內外交修也

辟爾為德俾臧俾嘉淑慎爾止不愆于儀不僭不賊鮮

息淺反

不為則投我以桃報之以李彼童而角實虹

戶公反

小子

李氏曰辟君也人君之為德必臧善必嘉美 鄭氏

曰止容止也 陳氏曰慎其容止不過愆於威儀不

僭差不賊害則未有不可以為法者 毛氏曰僭差

也 橫渠張氏曰不僭不賊則人當效之猶投桃報

李之必然 毛氏曰童無角者也虹潰也 王氏曰

童無角理譬我施惡無報我以善之理謂童而角實惑小子耳非其理也 東萊曰厲王不君故戒以君

爾為德俾臧俾嘉欲其君盡德之善也淑慎爾止不愆于儀此詩以威儀為主故屢言之爾以善而民以善應之猶投桃報李蓋必然之理彼小人日導王為不善而欲民應之不悖是猶童羊童羊而求其角天下寧有此理乎潰亂王聽使至傾覆者實此曹耳

荏而甚染

反而漸

柔木言緡之絲溫溫恭人維德之基其

維哲人告之話言順德之行其維愚人覆謂我僭民各有心

毛氏曰緡被也柔忍之木在染然人則被之絲以為弓 歐陽氏曰人必先觀其質性之如何也 橫渠張氏曰柔和之木乃弓之材溫恭之人乃德之質

毛氏曰話言古之善言也 鄭氏曰覆猶反也僭不信也語賢知之人以善言則順行之告愚人反謂我不信民各有心二者意不同也 東萊曰此章言人

之質有美有惡故有可告語者有不可告語者若厲
王蓋不可告語矣武公猶拳拳不能自已焉下章所
言是也

於音烏乎音呼

小子

未知臧否

音鄙

匪手攜之言示之事匪面

命之言提

音啼

其耳借曰未知亦既抱子民之靡盈誰夙

知而莫

音慕

成

鄭氏曰臧善也於乎傷王不知善否我非但以手攜
持之親示以其事之是非我非但對面語之親提撕

其耳此言以教道之孰不可啓覺假令人云王尚幼
少未有所知亦以抱子長大矣不幼少也 歐陽氏
曰靡盈不自滿 朱氏曰人若不自盈滿能受教戒
則豈有早知而反晚成者乎 毛氏曰莫晚也 東
萊曰武公之於厲王厚矣故不忍遽斷以為不可告
語猶疑其未知臧否也

昊天孔昭我生靡樂視爾夢夢

莫空反

我心慘慘

七感反

誨

爾諄諄

之純反

聽我藐藐

美角反

匪用為教覆用為虐借曰

未知亦聿既耄

莫報反

毛氏曰夢夢亂也慘慘憂不樂也 鄭氏曰孔甚昭

明也昊天乎乃甚明察我生無可樂也視王之意夢

夢然我心之憂悶慘慘然愬其自恣不用忠臣 毛

氏曰聽我藐藐藐藐然不入也 鄭氏曰我告教王

口語諄諄然王聽聆之藐藐然忽略 歐陽氏曰君

暗於上臣憂於下臣言甚至而君聽甚忽不以為德

而反以為罪也 王氏曰匪以我諄諄為教之也覆

以我為虐之也 東萊曰既耄非謂其老也猶今人責未更事者曰既老大矣甚言之也

於乎小子告爾舊止聽用我謀庶無大悔天方艱難曰

喪厥國取譬不遠昊天不忒

他得反

回遹

于橘反

其德俾民

大棘

鄭氏曰止辭也不忒不差忒也大棘大困急也 歐

陽氏曰我所告爾者非我妄言皆據舊事之已然者庶幾聽我猶可不至於大悔也 蘇氏曰天方艱難

周室曰吾將喪其國譬如夏商其類不遠天豈復有
差忒不然者哉然王曾不悟益為邪僻之行使民至
於困急而無告也 東萊曰史記載武公以宣王三

十六年即位國語亦稱武公年九十五作歌以自儆
韋昭謂歌即抑也說者遂以為此詩乃追刺厲王今
考其文如曰在于今興迷亂于政曰匪手攜之言示
之事匪面命之言提其耳曰聽用我謀庶無大悔夫
豈追刺之語乎史記國語殆未可據一以詩為正可

也

抑十二章三章章八句九章章十句

桑柔芮伯刺厲王也

鄭氏曰芮伯畿內諸侯王卿士也字良夫孔氏曰書序注云芮伯

周同姓國在畿內則芮伯姬姓也杜預云芮國在馮翊臨晉縣則在西都之畿內也左傳引大風有隧以爲芮

良夫

之詩

苑音鬱彼桑柔其下侯甸將

力活反

采其劉瘼

音莫此下

民不殄心憂倉

初亮反

兄

音况填音塵

兮倬彼昊天寧莫我殄

毛氏曰興也苑茂盛貌旬言陰均瘼病也孔氏曰

苑然而茂盛者彼桑也其葉稚而柔濡故苑然茂盛

於此之時人息其下維均得蔭 王氏曰及採其劉

則其下民為日所暴不見蔭而瘼矣王失德剥喪
無以蔭其民之譬也劉殺也殺言盡之也 歐陽

氏曰他木皆有枝葉而詩人獨以桑為譬者惟桑以

葉用於人常見捋采為空枝而人不得蔭其下故以

為喻也 鄭氏曰殄絕也 毛氏曰倉喪兄滋填久

也 孔氏曰倉之為喪其義未聞况訓賜也賜人之物

則益滋多故况為滋也釋言云蒸塵也孫炎曰蒸
物久之塵則塵為久義古 釋文曰兄本作况 蘇
者塵填字同故填得為久

氏曰君子憂之不絕於心悲之益久而不已

王氏曰
愴則滋

久號天而訴之也 鄭氏曰倬明大貌

四牡騤騤旟旐有翩亂生不夷靡國不泯

面忍反

民靡有

黎具禍以燼於乎有哀國步斯頻

毛氏曰騤騤不息也鳥隼曰旟龜蛇曰旐翩翩在路

不息也夷平泯滅也 蘇氏曰厲王之亂天下征伐

不息故見其車馬旌旗而厭苦之 鄭氏曰亂日生

不平無國不見殘滅也 王氏曰黎臺也周曰黎民

秦曰黔首黎則黔首之謂也民靡有黎則是黔首靡

有子遺也鄭氏曰具猶俱也俱遇此禍以為燼

歐陽

氏曰皆為灰燼

毛氏曰頻急也

陳氏曰嗚呼可哀乎國

運如此之頻促也

國步蔑資天不我將靡所止疑云徂何徃君子實維東

心無競誰生厲階至今為梗

古杏反

鄭氏曰將猶養也陳氏曰國運困窮天不我養

王氏曰欲避禍亂疑於所徃天下皆是也則靡所止

疑云徂何往也

朱氏曰徂亦往也云
往耳而果何所往也

毛氏曰厲惡

梗病也

歐陽氏曰君子實維秉心無競誰生厲階

至今為梗者民歸咎於上之辭也言君子本無強爭
之心而何人生此禍亂之階為今人之病意若禍有
根原其來也遠而今人適遭之耳其實剌禍由王致
也

憂心慙慙念我土宇我生不辰逢天俾

都但反

怒自西徂

東靡所定處多我覲瘠

武中反

孔棘我圉

毛氏曰宇居俾厚也圉垂也 鄭氏曰辰時也瘡病也 孔氏曰念己之鄉土居宅也我生不得時正逢天之厚怒使我從西而往於東無所安定而居處是逢天怒時故遭此勞役也又曰歎傷多矣我之所遇之病也甚急矣我之在邊垂甚勞也

為謀為戩亂況斯削告爾憂恤誨爾序爵誰能執熱逝不以濯其何能淑載胥及溺

毛氏曰戩慎也 鄭氏曰恤亦憂也逝猶去也序爵

次序賢能之爵

朱氏曰序爵辨別賢否之道也

執熱手持熱物淑善

胥相及與也

蘇氏曰王豈不為謀且慎哉然而不

得其道適所以長亂而自削耳故告之以其所當憂
誨之以叙爵且曰誰能執熱而不濯者賢者之能已
亂猶濯之能解熱耳今王之所任者其何能善哉則
相與入於陷溺而已

如彼逝風亦孔之僂

音愛

民有肅心弁

昔耕反

云不逮好是

稼穡力民代食稼穡維實代食維好

毛氏曰遡嚮也優喈莽使也 鄭氏曰使人喈然如

嚮疾風不能息也

孔氏曰喈者風喈人氣故云使人不能息息謂喘息

蘇氏

曰君子視厲王之亂悶然如遡風之喈而不息 李

氏曰民有肅然之心本無怠慢而王乃使之至於不

逮民無得以趨事於猷畝之間則其不逮者非民之

罪也王使之也故芮伯告王曰好是稼穡言不敢輕

於民力也其有功於民者則使之代食 歐陽氏曰

稼穡維寶代食維好者稼穡可寶當以祿養賢才而

刺王不然也

天降喪亂滅我立王降此蟲賊稼穡卒痒

音羊

哀恫

音通

中

國具贅

之芮反

卒荒靡有旅力以念穹蒼

歐陽氏曰天降喪亂將滅亡我王室

朱氏曰滅我所立之王

而

歲又蝗螟為灾稼穡盡病

鄭氏曰蟲食苗根曰蟲

食節曰賊耕種曰稼收斂曰穡卒盡也痒病也恫痛

也具皆哀痛乎中國之人皆空虛 毛氏曰贅屬也

朱氏曰言危也春秋傳曰君若贅旒然與此贅同

荒虛也

朱氏曰旅與贅

同言困之極無力以念天禍也 王氏曰穹蒼天也

穹言形蒼言色也

維此惠君民人所瞻秉心宣猶考慎其相維彼不順自獨俾臧自有肺腸俾民卒狂

鄭氏曰惠順宣徧猶謀也考其輔相之行然後用之言擇賢之審 李氏曰古者順道之君為百姓瞻仰者以其內能秉持其心外則宣謀猷于衆考察慎擇其相 鄭氏曰臧善也 朱氏曰自獨俾臧自以為

善也自有肺腸自有意見也狂惑也 東萊曰善惡

出於天下之同然者蓋曉然易見也不順之君其所
施為其所任用皆非天下之所謂善乃自獨使之善
耳其肺腸不與人同不可曉解此民所以惑亂也

瞻彼中林𪔐𪔐

所中反

其鹿朋友以譖

子念反

不胥以穀人

亦有言進退維谷

毛氏曰𪔐𪔐衆多也谷窮也

孔氏曰谷謂山谷墜谷是窮困之義

鄭

氏曰胥相也穀善也視彼林中其鹿輩耦行𪔐𪔐然

衆多 蘇氏曰朋友相譖不能相善曾鹿之不如是以進退無不陷焉者

維此聖人瞻言百里維彼愚人覆狂以喜匪言不能胡思畏忌

毛氏曰瞻言百里遠慮也 鄭氏曰胡之言何也

李氏曰聖人則遠知禍福於未萌其所瞻視而言者至於百里無遠不察也若夫愚人則反狂以喜所謂抱火厝之積薪之下火未及然猶謂之安者也 朱

氏曰我非不能言也如此畏忌何哉言王暴虐人不敢諫也

維此良人弗求弗迪維彼忍心是顧是復民之貪亂寧為荼毒

毛氏曰迪進也 鄭氏曰良善也國有善人王不求索不進用之有忍為惡之心者王反顧念而重復之言其忽賢者而愛小人貪猶欲也天下之民苦王之故欲其亂亡故安為荼毒之行相侵暴愠恚使之然

孔氏曰荼苦菜毒乃毒蟲皆惡物故比惡行

大風有隧

音遂

有空大谷維此良人作為式穀維彼不順

征以中垢

反古口

毛氏曰隧道也

鄭氏曰大風之行有所從而來必

從大空谷之中作起式用征行也

陳氏曰大風其

徑隧由於空谷而起以興人之為善為不善皆有所

從來也

蘇氏曰垢穢也言善人之作也以用其善

小人之行也以播其穢其垢發其中之所有於外也

毛氏曰中垢
言穢寔也

大風有隧貪人敗類聽言則對誦言如醉匪用其良覆

俾我悖

蒲對反

毛氏曰類善也 蘇氏曰風之起也有道類之敗也

有自貪人在上則類之所由敗也 孔氏曰聽言道

聽之言 王氏曰誦言先王之言也 李氏曰王之

性本善但以貪人敗之故耳道聽之言則答之誦詩

書之言以告之則如醉此所以見王之先入於貪人

之言故也。厲王既已不用其良，反使我為悖逆之行，而從貪人之所為也。

嗟爾朋友，予豈不知而作如彼？飛蟲時亦弋獲，既之陰女反予來赫。

蘇氏曰：朋友其僚友也。鄭氏曰：嗟爾朋友起而切磋之也。飛鳥亦時為弋射者所得之往也。橫渠張

氏曰：予豈不知而作如彼？飛蟲時亦弋獲，千慮一得。

也。朱氏曰：言彼之所言亦或有中也。既之陰女反予來赫，予至誠密。

以天下之事忠告反謂子來相恐也 朱氏曰赫本

亦作嚇莊子云以梁國嚇我是也 東萊曰厲王之

朝舉無信芮伯之言者故告之曰子豈不知而妄發

哉如彼飛蟲時亦弋獲豈無一二或中者乎

民之罔極職涼善背為民不利如云不克民之回遁職

競用力

鄭氏曰職主也

朱氏曰
職專也

毛氏曰涼薄也 朱氏曰

善背工為反覆也 鄭氏曰克勝也 朱氏曰民之

所以貪亂不知止者由此善背之人為民所不利之事如恐不勝而力為之也民之所以邪僻者由此輩競用力而然也回遁邪僻也反覆其言所以深惡之也

民之未戾職盜為寇涼曰不可覆背善言力智反雖曰匪予既作爾歌

毛氏曰戾定也 蘇氏曰民之未定職上有盜賊之臣為之寇也 鄭氏曰我薄告之以不可已為爾反

背而見詈矣 朱氏曰雖汝能自文飾言此亂非我
所致然我已作爾歌矣言已得其情其事已著明不
可掩覆也 東萊曰此詩本厲王之亂在於用小人
故於聽任之際屢致意焉一章至四章皆極言其亂
也五章告之以聽任之道而憂其不能改也六章復
告以息民務農而居位食祿者不可不審擇也七章
因首章息民務農之言而深歎喪亂饑饉之可哀也
八章言治亂之分蓋其君向背用捨所由異路思古

而傷今也九章言君暗於上故譖毀之俗成於下自
傷處斯世之難也十章言朝皆小人安其危而利其
菑欲諫而不敢也十一章言王遠君子而厚小人民
不堪命而王不知也十二章言治亂皆有所自來治
由君子而亂由小人也十三章言王之所以疎棄君
子者由小人之言先入也十四章至十六章皆託與
公卿儕輩言以反覆諷切之也

桑柔十六章八章章八句八章章六句

雲漢仍叔美宣王也宣王承厲王之烈內有撥亂之志

遇哉而懼側身修行

反下孟

欲銷去

反起呂

之天下喜於王

化復

反扶又

行百姓見憂故作是詩也

鄭氏曰仍叔周大夫也朱氏曰烈

暴虐也

東萊曰宣王之王雅始於六月言其功也其大雅始於雲漢言其心也無是心安得有是功哉

倬彼雲漢昭回于天王曰於乎何辜今之人天降喪亂

饑饉薦

反在見

臻靡神不舉靡愛斯牲圭璧既卒寧莫我

聽

孔氏曰倬然明大彼天之雲漢 鄭氏曰雲漢謂天

河也昭光也 毛氏曰回轉也 鄭氏曰宣王時旱

渴雨故宣王夜仰視天河望其候焉 朱氏曰夜晴

則天河明 毛氏曰瞻仰昊天不見雨候於是歎傷

人之無辜而遇此喪亂饑饉也 毛氏曰薦重臻至

也 鄭氏曰靡莫皆無也言王為旱之故求於羣神

無不祭也 王氏曰羣祀之廢則無不舉矣 蘇氏曰禮國之凶荒則索鬼神祭之 無所

愛於三牲禮神之圭璧又已盡矣 王氏曰神晏然

莫我聽

旱既大甚蘊隆蟲蟲不殄禋祀自郊徂宮上下奠瘞靡

神不宗后稷不克上帝不臨耗斁

丁故反

下土寧丁我躬

王氏曰旱既大甚矣則其氣蘊積隆盛蟲蟲而熱也

李氏曰說文曰蟲蟲旱氣也

毛氏曰蘊蘊而暑隆而雷蟲蟲而熱 鄭氏曰隆隆而雷非雨雷也

鄭氏曰為旱故絜祀不絕從郊而至宗廟 毛氏

曰上祭天下祭地奠其禮瘞其物

孔氏曰奠謂置之於地瘞謂埋之於

土禮與物皆謂為禮事神之物酒食牲玉之屬也天
言奠其禮見燔其物地言瘞其物亦奠其禮也互以
相通宗尊也丁當也 王氏曰自郊徂宮上下奠瘞則

天地神示人鬼内外上下無不禋祀矣在宮之神莫
尊於后稷既無以勝旱災在郊之神莫尊於帝又不
顧我也 蘇氏曰窮而無告故曰與其耗敗下士寧
使我躬當之無使人人被其患也

旱既大甚則不可推兢兢業業如霆如雷周餘黎民靡
有孑遺昊天上帝則不我遺胡不相畏先祖于摧

在雷反

王氏曰旱既大甚則不推者不可推知其故也 毛

氏曰兢兢恐也業業危也 鄭氏曰心動意懼兢兢

然業業然如有雷霆近發於上 朱氏曰孑然盡貌

言大亂之後周之餘民僅有遺者而上天又降旱災

使孑然而無復有遺

孔氏曰孑然孤獨之貌

蘇氏曰天將不

復使我有遺餘胡為尚不相畏哉先祖之業將於是

摧落矣

旱既大甚則不可沮

反在呂

赫赫炎炎云我無所大命近

止靡瞻靡顧羣公先正則不我助父母先祖胡寧忍予

毛氏曰沮止也赫赫旱氣也炎炎熱氣也 鄭氏曰

旱既大甚人皆不堪言我無庇蔭而處

陳氏曰未知死所也

民之近將死亡曾無視顧而哀閔之 毛氏曰先正

百辟卿士也

鄭氏曰百辟卿士雲祀所及者 孔氏曰正者長也先世為官之長月令仲夏

乃命百官雲祀百辟卿士有益於民者注云百辟卿士古之上公以下勾龍后稷之類

歐陽

氏曰父母先祖胡寧忍予詩人述宣王訴于父母及

先祖爾

旱既大甚滌滌

徒歷反

山川旱魃

蒲木反

為虐如悵

音如焚談

我心憚

徒旦反

暑憂心如熏羣公先正則不我聞昊天

帝寧俾我遯

毛氏曰滌滌旱氣也山無木川無水

王氏曰山枯川竭如滌濯然也

魃旱神也悵燎之也熏灼也

鄭氏曰旱氣主魃而

虐益甚草木焦枯如見焚燎然憚猶畏也李氏曰

羣公先正則不我聞亦上文意蘇氏曰宣王所以

祈旱者至矣而莫之答故曰苟吾之不善不當天心則寧使我遜去以避賢者無以我苦此庶民也

旱既大甚黽勉畏去胡寧殪

都田反

我以旱慴

七歲反

不知

其故祈年孔夙方社不莫

音暮

昊天上帝則不我虞敬恭

明神宜無悔怒

蘇氏曰始以旱故欲遜去以避賢者既又以為棄位以避憂患非人主之義故黽勉不去以求濟斯難畏不敢也 朱氏曰慴曾也 鄭氏曰殪病也天何曾

病我以旱憫不知其故則王之自反也蓋以至矣

鄭氏曰虞度也我祈豐年甚旱

孔氏曰月令孟春祈穀上帝孟冬祈來年

於天宗是也

祭四方與社又不晚

孔氏曰即以方是也

天曾不度

知我心肅事明神如是明神宜不恨怒於我我何由當遭此災也 毛氏曰悔恨也

旱既太甚散無友紀鞠

居反六

哉庶正疚

音救

哉冢宰趣

七口

反馬師氏膳夫左右靡人不周無不能止瞻仰昊天云

如何里

蘇氏曰旱既甚國用空竭無以紀綱羣臣朋友

鄭氏曰人

君以羣臣為友 王氏曰人道相交則吉凶慶弔有紀以合之旱大甚財不足以為禮則無友紀 橫渠

張氏曰友宜作有

鄭氏曰鞠窮也庶正衆官之長也疾病

也窮哉病哉者念此諸臣勤於事而困於食以此言

勞倦也 毛氏曰歲凶年穀不登則趣馬不秣

孔氏曰趣

馬之官不以師氏弛其兵 孔氏曰師氏掌使其屬率粟秣養其馬 四夷之隸各以其兵服守

王門外且以世掌近王 馳道不除 孔氏曰不使祭事之兵故令弛其兵也 人除治之

不縣 孔氏曰不膳夫徹膳左右布而不修

孔氏曰布列於位不

令有所修造

大夫不食梁士飲酒不樂

橫渠張氏曰靡

人不周無不能止自庶正而下皆使周急於民若供

御之物則凡皆禁止去 鄭氏曰里憂也王愁悶於

不雨但自念曰當如我之憂何

朱氏曰里與漢書季布傳無里之俱同當

為無聊賴之義

蘇氏曰禍亂之後宣王遭旱始欲以身當之而不得中欲以身救之而不能故於其終仰

而訴之於天曰我今日如何居哉

釋文曰里本作廔爾雅作悝爾

釋詁曰悝憂也

瞻仰昊天有嘒

呼患反

其星大夫君子昭假

音格

無贏音盈大

命近止無棄爾成何求為我以戾庶正瞻仰昊天曷惠其寧

毛氏曰嘒衆星貌假至也 孔氏曰宣王以旱之故

遂瞻望仰視於昊天惟見其嘒然光明之衆星未有雨徵 呂氏曰昭明也贏餘也所以事神者無餘矣

朱氏曰大夫君子所以竭其精誠而助王昭假于天者已無餘矣雖今死亡將近然不可以棄其前功當益求其所以昭假于上者而修之若此者非求為

我之一身爾乃所以定衆正也瞻仰昊天果何時而
惠我以安寧乎蘇氏曰我亦何求為哉將以定爾
庶正而已未有民不寧而庶官定者也鄭氏曰瞻
仰昊天曷惠其寧渴雨之至也

雲漢八章章十句

崧高尹吉甫美宣王也天下復

音服

平能建國親諸侯褒

保自反

賞申伯焉

鄭氏曰尹吉甫申伯皆周之卿士也尹官氏申國名

崧高維嶽駿

音峻

極于天維嶽降神生甫及申維申及甫維周之翰四

國于蕃四方于宣

毛氏曰崧高貌山大而高曰崧嶽四嶽也東嶽岱南

嶽衡西嶽華北嶽恒堯之時姜氏為四伯掌四嶽之

祀述諸侯之職於周則有甫有申有齊有許也駿大

極至也嶽降神靈和氣以至申甫

李氏曰山大而高曰崧鄭璞注曰今

中嶽嵩高蓋依此名是凡大而高者皆可名之曰崧非專指中嶽也鄭璞注可見

孔氏曰

其山高大上至于天王氏曰甫也申也其先實主

嶽事故天祚其子孫則維嶽降神生甫及申也毛

氏曰翰幹也

王氏曰翰垣屋所恃以立

王氏曰蕃言扞蔽宣言

數播

李氏曰是二人者皆為周室之屏翰 蘇氏

曰蔽其患難而宣其德澤於天下 東萊曰甫申意

者皆宣王時賢諸侯同有功於王室者甫雖不見於

經以文意考之蓋當如此鄭氏乃遠取訓夏贖刑之

甫侯殆非也

亶亶申伯王纘

祖管反

之事于邑于謝南國是式王命召

伯定申伯之宅登是南邦世執其功

鄭氏曰疊疊勉也續繼于於法式也申伯疊疊然勉於德以賢入為王之卿士佐王有功王又欲使繼其故諸侯之事改大其邑使為侯伯南方之國皆統理

孔氏曰杜預云中國在南陽宛縣在洛邑之南也作邑于謝蓋中伯本國近謝

孔氏曰申

伯之賢當使南國法之 王氏曰為申伯建國而曰

邑者國之所都亦曰邑作邑于豐商邑翼翼是也

蘇氏曰謝周之南土也召伯召虎也 孔氏曰王乃

命召伯先營謝邑以定申伯之居 毛氏曰登成也

陳氏曰世執其功者以南邦傳嗣也

王命申伯式是南邦因是謝人以作爾庸王命召伯徹申伯土田王命傅御遷其私人

鄭氏曰庸功也召公既定申伯之居王乃親命之使為法於南邦因是故謝邑之人而為國以起女之功

毛氏曰徹者定其井牧正其賦稅孔氏曰九夫為井隰臯之地九夫為

牧二牧而當一井李氏曰徹什一之法也毛氏曰御治事之官也蘇氏

曰傳王治私人孔氏曰私人者對王朝之臣事之臣也私人為公人家人為私屬也有司

微云主人降獻私人

王氏曰遷其私人使就國也

申伯之功召伯是營有俶

尺叔反

其城寢廟既成既成藐

藐王錫申伯四牡蹻蹻

渠畧反

鉤膺濯濯

直角反

李氏曰申伯之功言城謝之事乃召伯所營詩曰肅

肅謝功召伯營之

毛氏曰俶作也

王氏曰俶始

也鄭氏曰作城郭及寢廟定其人神所處

毛氏

曰藐藐美貌蹻蹻壯貌鉤膺樊纓也

孔氏曰鉤者馬婁頷之金鉤膺

者謂膺上有飾謂膺有樊纓也案中車金路鉤樊纓九就同姓以封申伯與姓而得此賜者以其命為侯

伯故得車濯濯光明也鄭氏曰已成告王王乃賜

申伯為將遣之

王遣申伯路車乘馬我圖爾居莫如南土錫爾介圭以作爾寶往近王舅南土是保

孔氏曰王於是發遣申伯令使之國故贈送之以大路之車毛氏曰乘馬四馬也鄭氏曰王以正禮遣申伯之國故復有車馬之賜因告之曰我謀女之所處無如南土之最善毛氏曰寶瑞也鄭氏曰圭

長尺二寸

謂之介非諸侯之圭故以為寶諸侯之瑞圭自九寸而下王氏曰介圭非諸侯所宜有也寶玉非所以

分異姓也賜爾介圭以作爾寶則加賜焉非常禮也毛氏曰近已也鄭氏曰

如彼記之子之記孔氏曰近得為已申伯宣王之其聲相近故箋申之云如彼已之已

舅鄭氏曰保守也安也孔氏曰皆命遣之辭

東萊曰介圭在周官雖天子所服韓奕曰以其介圭

入覲于王則當是諸侯之瑞圭蓋介之為言大也詩

人持美大其圭而稱之非周官之介圭也

申伯信邁王餞賤淺反于郿忌悲反申伯還南謝于誠歸王

命召伯徹申伯土疆以峙

直紀反

其糗

音張

式遄

布專反

其行

鄭氏曰邁行也餞送行飲酒也時王蓋省岐周故于

都還南者北就王命于岐周而還反也謝于誠歸誠

歸于謝

孔氏曰郇於漢屬右扶風在鎬京之西申在鎬京之東南自鎬適申塗不經郇時宣王蓋

眉視岐周故餞之於郇申伯既受命王餞還歸于鎬而後適中故言北就還南也言謝于誠歸古人之語

多倒朱氏曰郇在鎬京之西岐周之東

王氏曰王既餞之則申伯於

是實歸其國也言信邁誠歸蓋以見王之數留疑於

行之不果故也鄭氏曰糗糧式用遄速也王使召

公治申伯土界之所至峙其糧者令廬市有止宿之

委積用是速申伯之行

孔氏曰申伯未發之時王豫命召伯令治申伯之國疆境

又以峙具其糧食在道無闕乏故得疾至

王氏曰首曰徹申伯土田者

乃始疆之也今日徹申伯土疆則其疆定矣東萊

曰是詩載封申伯如遷其私人以峙其糧莫不曲盡宣王之待元舅其恩意周浹綜理微密蓋如此也

申伯番番

音波

既入于謝徒御嘽嘽

吐丹反

周邦咸喜戎有

良翰不顯申伯王之元舅文武是憲

毛氏曰番番勇武貌徒御徒行者御車也 朱氏曰

嘽嘽者衆盛也 鄭氏曰申伯之貌有威武番番然

戎猶女也 毛氏曰不顯申伯顯矣申伯也文武是

憲言有文有武也 蘇氏曰申伯既入于謝周人皆

曰汝有良翰蔽矣文武是憲言其文武皆足法也

申伯之德柔惠且直搢汝又反此萬邦聞于四國吉甫作

誦其詩孔碩其風肆好以贈申伯

曾氏曰前章所謂文武後章所謂柔惠且直辭雖異

而實則同皆美其全德耳非謂既文武又柔直也

孔氏曰以此順直之德揉服萬邦不順之國使之皆順其聲譽聞達于四方 毛氏曰作是工師之誦

曰詩者工師樂人誦之以為樂曲

鄭氏曰碩大也

蘇氏曰肆極

也 王氏曰此雅也而謂之風則以辭不迫切而能感動人之善心故謂之風也 鄭氏曰以此贈申伯

者送之令以為樂 孔氏曰以贈申伯則此詩之作

主美申伯而已申伯有德王能建之美申伯亦所以

美宣王故為宣王詩也 東萊曰其風肆好蓋詩有
六義是篇雖雅其間固有風之體也

崧高八章章八句

烝民尹吉甫美宣王也任賢使能周室中

張仲反

興焉

陳氏曰崧高烝民二詩皆尹吉甫贈行之詩而序詩
者皆以為美宣王何也蓋人君委任得人而僚友之
間賦詩以相娛樂則人君之美莫大焉

天生烝民有物有則民之秉彝

音好反

是懿德天監

有周昭假于下保茲天子生仲山甫

毛氏曰烝衆則法彛常懿美也仲山甫樊侯也

孔氏曰爵

為侯而字仲山甫也周語稱樊仲山甫諫宣王是山甫為樊國之君也韋昭云食采於樊倍二十五年左

傳說晉文公納定襄王王賜之樊邑則樊在東都之畿內也

鄭氏曰監視假至

也孟子曰孔子曰為此詩者其知道乎故有物必

有則民之秉彛也故好是懿德

楊氏曰孟子釋詩於其本文加四字而已

而語自明矣今之說詩者殊不知此

楊氏曰近取諸身百體五藏達

之於君臣父子夫婦長幼朋友皆物也而各有則視

聽言動必由禮焉此一身之則也為君而止於仁為
臣而止於忠為父而止於慈為子而止於孝此君臣
父子之則也夫婦有別長幼有序朋友有信此夫婦
朋友長幼之則也皆天理之常故曰民之秉彝也故
好是懿德 李氏曰天視有周之德昭明乎下用保
茲天子而生仲山甫董仲舒曰上天佑之為生賢佐
蓋謂此也 朱氏曰昭格于下言周能以明德感格
于天而在下也 東萊曰惟皇上帝降衷于下民固

莫不秉彝好德也蓋有鍾氣之粹者焉故曰天監有周昭假于下保茲天子生仲山甫

仲山甫之德柔嘉維則令儀令色小心翼翼古訓是式威儀是力天子是若明命使賦

鄭氏曰嘉美令善也儀威儀色顏色容貌翼翼恭敬古訓先王之遺典也式法也蘇氏曰力勉也毛

氏曰若順賦布也王氏曰天子有明命則使仲山甫賦之東萊曰柔嘉維則不過其則也過其則斯

為弱不得謂之柔嘉矣令儀令色小心翼翼言其表裏柔嘉也古訓是式威儀是力言其學問進修也天子是若明命使賦言其發而措之事業也此章蓋備舉仲山甫之德

王命仲山甫式是百辟

音壁

纘戎祖考王躬是保出納王

命王之喉舌賦政于外四方爰發

鄭氏曰百辟百君戎猶女也李氏曰王命仲山甫

曰我以汝為百辟之長而繼女之祖考而保我王躬

觀此則知山甫之祖考嘗為是官矣為山甫乃世其家也 朱氏曰出承而布之也納行而復之也喉舌所以出言也 鄭氏曰布政於畿外天下莫不發應 東萊曰仲山甫之職外則總領諸侯內則輔養君德入則典司政本出則經營四方式云者表率儀法之謂也保云者保其身體傳之德義之謂也此章蓋備舉仲山甫之職

肅肅王命仲山甫將之邦國若否

音 仲山甫明之既明

且哲以保其身夙夜匪解以事一人

鄭氏曰將奉行若順也順否猶臧否謂善惡也夙早也一人指天子李氏曰王之命肅肅然而嚴仲山甫將而行之東萊曰明亦哲也並言之則明者哲之發哲者明之實也既明且哲而後可以保身甚矣保身之難也說者或謂仲山甫事宣王則保身者非全身遠害之謂蓋誤矣保身乃已事豈為治亂而增損哉身體髮膚受之父母不敢毀傷本非末節也至

於偷生徇私養小失大如是而全身遠害則君子賤之耳仲山甫在宣王之時羣臣之任遇莫先之而察省其身奉事其主者無一毫怠忽信所謂小心翼翼矣

人亦有言柔則如音汝之剛則吐之維仲山甫柔亦不如剛亦不吐不侮矜寡不畏彊禦

孔氏曰人有常言人之恒性莫不柔者則茹食之剛者則吐出之喻見寡弱者則侵侮之彊勝者則避畏

之維有仲山甫則不然不侮不畏即是不茹不吐既
言其喻又言其實以充之 東萊曰此言仲山甫之
德剛柔不偏也而二章首舉仲山甫之德獨以柔嘉
維則蔽之崧高稱申伯番番終論其德亦曰柔惠且
直然則入德之方其可知矣

人亦有言德輶

餘久反

如毛民鮮克舉之我儀圖之維仲

山甫舉之愛莫助之袞職有闕維仲山甫補之

鄭氏曰輶輕也人之言云德甚輕然而衆人寡能舉

之我吉甫自我也愛惜也仲山甫能獨舉此德而行
之惜乎能助之者多仲山甫之德歸功言耳 毛氏

曰儀宜也 釋文儀作義曰毛如字宜也鄭作義

陳氏曰圖者圖謀之

朱氏曰儀度也我於是而謀度其能舉之者則惟仲山甫而已

毛氏曰袞冕者君之上服也 鄭氏曰袞職者不

敢斥王之言也王之職有闕能補之者仲山甫也

朱氏曰其德如是故能補袞職之闕孟子曰惟大人

為能格君心之非仲山甫有焉

仲山甫出祖四牡業業征夫捷捷反在接每懷靡及四牡

彭彭八鸞鏘鏘反七芋王命仲山甫城彼東方

蘇氏曰王命仲山甫城齊祖祭而行其馬業業而捷其徒捷捷而敏猶常恐不及事也東方則齊也鄭

氏曰彭彭行貌鏘鏘鳴聲以此車馬命仲山甫使行言其盛也毛氏曰東方齊也古之諸侯之居逼隘

則王者遷其邑而定其居蓋去薄姑而遷於臨菑也

孔氏曰史記齊世家云獻公元年徙薄姑都治臨菑計獻公當夷王之時與此傳不合

四牡騤騤

求通反

八鸞喈喈

音皆

仲山甫徂齊式遄其歸吉

甫作誦穆如清風仲山甫永懷以慰其心

毛氏曰騤騤猶彭彭也喈喈猶鏘鏘也遄疾也言周

之望仲山甫也清激之風化養萬物者也朱氏曰

式遄其歸不欲其久於外也穆深嚴也永懷既行而

有所懷恩也鄭氏曰述其美以慰安其心曾氏

曰賦政于外雖大仲山甫之職然保王躬補王闕尤

其所願城彼東方其心永懷蓋有所不安者尹吉甫

深知之作誦而告以遄歸所以安其心也

烝民八章章八句

韓奕

音亦

尹吉甫美宣王也能錫命諸侯

鄭氏曰韓姬姓之國也後為晉

所滅幽王九年史伯對鄭桓公曰武王之子應韓不仕

奕奕梁山維禹甸之有倬

其道韓侯受命王親命之續我祖考無廢朕命夙夜匪

解虔共

音恭

爾位朕命不易榦

古旦反

不庭方以佐戎辟

音壁

毛氏曰奕奕大也甸治也禹治梁山除水災

鄭氏曰梁山之

野堯時俱遭洪水禹甸之者決除其災使成乎田定貢賦

受命為侯伯也

鄭氏

曰梁山於韓國之山最高大為國之鎮所望祀焉故
美大其貌奕奕然梁山今左馮翊夏陽西北倬倬然
著明 蘇氏曰禹貢所謂治梁及岐者在大同之韓
城將言韓侯故先叙其國曰梁山之下有倬然之道
此韓侯所從朝周以受命者也 釋文曰倬明貌韓
詩作脾 陳氏曰梁山禹治水其功有被於此山者
自禹之後無傳焉 鄭氏曰戎猶女也朕我也 毛
氏曰虔固也 鄭氏曰古之恭字或作共榦作楨榦

而正之戎辟女君王自謂也 孔氏曰王親自命之

云當紹繼汝祖考之舊職復為侯伯 王氏曰既命

之續汝祖考又戒使其無廢朕命虔共爾位既戒以

夙夜匪解虔共爾位又戒以朕命不復改易當幹不

庭方以佐汝辟也不庭方謂不寧侯也 蘇氏曰不庭不來庭也

四牡奕奕孔脩且張韓侯入覲以其介圭入覲于王王

錫韓侯淑旂綬章簟第 音 錯衡玄袞赤舄 音 鈎膺鏤 音 漏

錫 音 羊鞞 音 反 鞞 音 反 淺 音 戇 音 反 條 音 革金厄

毛氏曰脩長張大覲見也 鄭氏曰韓侯乘長大之

四牡奕奕然以時覲於宣王 孔氏曰毛氏於崧高

以介圭為所執之瑞則此言介圭亦為瑞也 朱氏曰覲禮執

圭贄所以合瑞也 鄭氏曰覲於王而奉享禮貢其

國所出之寶 孔氏曰箋以入覲于王為行享禮介

圭則是為享之物大行人陳諸侯見王之禮云廟中將幣三享 鄭氏曰此覲乃受

命先言受命者顯其美也 王氏曰謂韓侯來朝多錫以厚之 毛氏

曰淑善也交龍為旂 鄭氏曰善旂旂之善色者也 綏大綏也 孔氏曰即

主制所謂天子殺下大綏者夏采注云徐州貢夏翟之羽有虞氏以為綏後世或無染鳥羽而用之或以

旄牛尾為之綴於幢上所謂注旄於竿首者然則綬者即交龍旂竿所建與旂共一竿為貴賤之表章故

云綬

鄭氏曰簞菲漆簞以為車蔽今之藩也孔氏

車云王之喪車五乘其五曰漆車藩蔽注云漆席以為之此車禪所乘也禪將即吉尚以漆席為菲明吉車之等漆之也毛氏曰錯衡文衡也孔氏曰錯置文

氏曰玄衮以玄為衣而畫以袞龍亦舄赤色之舄

鄭氏曰鈎膺樊纓也眉上曰錫刻金飾之今當盧也

孔氏曰馬鞅鈎以金為之膺上有飾即樊纓是也樊讀如鞶帶之鞶謂今馬大帶纓當盧者當馬之額盧在眉睫之上按中車玉路錫樊纓金路鈎樊纓注云金路無錫有鈎此言鈎膺必金路矣而得有鏤錫者

蓋特賜之

毛氏曰鞞革也鞞軾中也

孔氏曰鞞者去毛之皮也軾者兩較

之間有橫木可憑者也鞞鞞者蓋以去毛之皮施於軾之中央持車使牢固也淺虎皮淺毛

也幘覆式也

孔氏曰幘禮記作帟周禮作幘莫厯反字異而義同玉藻言有羔帟鹿帟春官

巾車言犬禛野禛皆以有毛之皮為帟是覆蓋之名覆在幘上也

鄭氏曰條革謂

轡也以金為小環徃徃纏搯之

孔氏曰轡首謂之革徃徃者言其非一二

處也

王氏曰淑旂綏章於紉後建之簞第在後衡在

左右鈎膺鏤錫鞞鞞淺幘條革金厄則皆在前

韓侯出祖出宿于屠

音徒

顯父

音甫

餞之清酒百壺其殽維

何魚

薄交反

鼈鮮魚其藪

音速

維何維筍

恤尹反

及蒲其贈維

何乘馬路車邊豆有且

子餘反

侯氏燕胥

鄭氏曰祖將去而祀輶也既覲而反國必祖者尊其

所往去則如始行焉祖於國外畢乃出宿毛氏曰

屠地名也鄭氏曰顯父周之卿士也餞送之故有

酒孔氏曰清美之酒乃多至於百壺鄭氏曰魚

鼈以火熟之也鮮魚中鱠者也毛氏曰藪菜藪也

鄭氏曰筍作萌也蒲深蒲也

孔氏曰醢人注云深蒲始生水巾是也

贈送也王既使顯父餞之又使送以車馬所以贈厚
意也且多貌胥皆也諸侯在京師未去者以顯父餞
之時皆來相與燕其籩豆且然榮其多也

朱氏曰
胥辭也

東萊曰覲禮稱來朝之諸侯皆曰侯氏然則此所謂
侯氏或者專指韓侯也歟

韓侯取妻汾

符云反

王之甥蹶

俱衛反

父之子韓侯迎止于

蹶之里百兩彭彭八鸞鏘鏘不顯其光諸娣

大計反

從之

祁祁

巨移反

如雲韓侯顧之爛其盈門

朱氏曰此言韓侯既覲而還遂以親迎也 毛氏曰

蹶父卿士也 鄭氏曰汾王厲王也厲王流于彘在

汾水之上故詩人因以號之

孔氏曰彘於漢則河東永安縣也永安西臨汾

水姊妹之子為甥王之甥卿士之子言尊貴也于蹶

之里蹶父之里百兩百乘不顯顯也光猶榮也氣有

光榮也 孔氏曰每車皆有八鸞之聲 毛氏曰祁

祁除覲也如雲言衆多也諸侯一娶九女二國媵之

諸娣衆妻也

鄭氏曰媵者必姪娣從之

孔氏曰其妻出於蹶父

之門諸娣隨而從之如雲韓侯於是回顧而視之見其鮮明粲爛然其盈滿於蹶父之門也

蹶父孔武靡國不到為

于偽反

韓姑

其一反

相攸莫如韓樂

孔樂韓土川澤訐訐

汎甫反

魴

音房

鰕

音序

甫甫

音鹿

嘆嘆

愚甫反

有熊有羆有貓

如字又武交反

有虎

慶既令居韓姑燕譽

毛氏曰姑蹶父姓也

鄭氏曰相視攸所也蹶父甚

武健為王使於天下國國皆至為其女視其所居韓

國最樂 毛氏曰訐訐大也甫甫然大也嘆嘆然衆

也。猶似虎淺毛者也。鄭氏曰：其樂矣。韓國之士也。

川澤寬大，衆魚禽獸備有，言饒富也。朱氏曰：慶喜。

也。令善也。喜其有此善居也。鄭氏曰：韓姑則安之。

盡其婦道，有顯譽。

蘇氏曰：譽樂也。

王氏曰：韓侯娶妻，何豫。

於王政，而詩言此。蓋汾王失道，王室幾喪，為諸侯所。

卑侮，則王甥亦安能相攸？惟宣王任賢，使能，然後汾。

王之甥更為樂國賢君之所願娶，而威儀備具，光顯。

如此，乃所謂邦之榮懷也。東萊曰：古者任遇方面。

之臣既盡其禮復恤其祕使之內外光顯體安志平
然後能典布自竭為王室之屏翰詩人述宣王能錫
命諸侯而因道其娶之盛其意蓋在於此而王室尊
安人情暇樂亦莫不在其中矣靡國不到特言涉厯
邦國之多非必國國皆至也

溥彼韓城燕師所完以先祖受命因時百蠻王錫韓侯

其追其貊

武伯反

奄受北國因其伯實墉實壑實畝實

簪獻其貊

毗音

皮赤豹黃羆

鄭氏曰溥大也 毛氏曰師衆也 朱氏曰董氏曰

燕召公之國也疑韓初封時王命以其衆為築此城

也 毛氏曰因時百蠻長是蠻服之百國也追貊戎

狄國也奄撫也

鄭氏曰撫柔其所受北面之國

實墉實壑言高其城

深其壑也

蘇氏曰王以韓侯之先因是百蠻而長

之故錫之以追人貊人受之以北方之國使復為之

伯焉韓侯於是命諸侯各修其城池治其田畝正其

税法以時貢其所有於王 釋文曰壑城池也 鄭

氏曰籍稅也

孔氏曰公羊傳曰什一而籍是籍為稅之義也

孔氏曰所受

諸國之城壑也

釋獸云貌白狐郭璞曰一名執夷

虎豹之屬也陸璣曰貌似虎或曰似熊赤豹毛赤而

文黑羆大於熊有黃羆赤羆貌言皮則豹羆亦獻皮

也東萊曰春秋之時城邢城楚丘城緣陵城杞之

類皆合諸侯為之霸令尚如此則周之盛時命燕城

韓固常政也

韓奕六章章十二句

江漢尹吉甫美宣王也能興衰撥亂命召公平淮夷

鄭氏曰召公召
穆公也名虎

陳氏曰淮夷之地不一徐州在淮北徐州有夷則淮
夷之在北者也揚州在淮南揚州有夷則淮夷之在
南者也江漢常武二篇同為宣王之詩而同言淮夷
召虎既平淮夷而告成于王矣常武之詩又曰鋪敦
淮墳仍執醜虜故知淮夷之地不一以地里考之曰
江漢之詩王命召虎者是淮南之夷也若在淮北則

江漢非所由入之路矣曰率此淮浦省此徐土者是
淮北之夷也若在淮南則徐土非聯接之地矣

江漢浮浮武夫滔滔

吐刀反

匪安匪遊淮夷來求既出我

車既設我旗匪安匪舒淮夷來鋪

鄭氏曰江漢之水合而東流浮浮然

孔氏曰禹貢嶠冢導漾東流為

漢又東為滄浪之水過三澨至于大別南入於江是到大別之南漢與江合東流也漢書地理志大別在廬江安豐縣界則江漢合處在揚州之境也如此則召公伐淮夷當在淮水之南魯僖所伐淮夷應在淮水之北當淮之南北皆有夷也

王氏曰武夫滔滔則以其衆逝也

蘇氏曰行者皆莫敢安徐曰吾之來也維淮夷是求
是鋪言用命也 鄭氏曰車戎車也鳥隼曰旗

朱氏曰鋪陳也陳師以伐之也 勃海胡氏曰杜預

云禹貢漢水至大別南入江在江夏界疏謂大別在
廬江安豐縣按漢水入江乃今漢陽縣之大別山
山之北漢口是也漢口亦曰沔口亦曰夏口江東即鄂

州江夏郡也至安豐一千五百里豈江漢相合古今
不同哉 東萊曰胡氏辨江漢合流既得之矣但去

淮夷絕遠於經文頗不合或者會江漢諸侯之師以
伐之歟

江漢湯湯

反羊

武夫洸洸

音光

經營四方告成于王四方

既平王國庶定時靡有爭王心載寧

孔氏曰湯湯然流盛

毛氏曰洸洸武貌

鄭氏曰

召公既受命伐淮夷服之復經營四方告功于王

蘇氏

曰遂經營其旁
國功告于王

庶幸時是也載之言則也

孔氏曰

無有叛戾乖爭者

江漢之潁

音虎

王命召虎式辟四方徹我疆土匪疚

音匪救

棘王國來極于疆于理至于南海

朱氏曰此下四章皆述王冊命召穆公與公復王命之辭首尾大抵類今人所藏古器物銘識乃古人文字之常體也再言江漢之潁者繫上文所言事也

陳氏曰王命召虎自彼江漢之潁以伐之非謂宣王臨江漢之地而命召虎也鄭氏曰潁水涯也疚病

棘急極中也蘇氏曰王命召公開四方之侵地而

治其疆界非以病之非以急之也使來於王國取中
焉耳召公於是疆理其地至南海而止李氏曰于
疆于理至于南海此以見復文武之境土也東萊
曰淮夷在南故極其遠而言之曰至于南海

王命召虎來旬來宣文武受命召公維翰無曰予小子
召公是似肇敏戎公用錫爾祉

毛氏曰旬徧也蘇氏曰宣布也朱氏曰自江漢

至潁言之故曰來言王命召虎來此江漢之潁徧治

其事以布王命 鄭氏曰召康公名奭召虎之始祖

也昔文王武王受命召康公為之楨榦之臣故述其

祖之功以勸之 陳氏曰汝不必言事我小子之故

自當繼似汝先祖康公

李氏曰汝今無以我為小子不足與有為當繼召穆公之

功也 毛氏曰敏疾公事也 蘇氏曰汝敏於戎事我

是用錫汝以福 東萊曰肇始也自召康公之後其

風烈寂寥無聞矣至穆公始復敏於從事以繼其烈

釐

力之反

爾圭瓚

才早反

拒

音巨

鬯

初亮反

一卣

音酉

告于文人錫

山土田于周受命自召祖命虎拜稽首天子萬年

毛氏曰釐賜也九命賜圭瓚秬鬯

孔氏曰賜汝以文圭柄之玉瓚

人文德之人也

鄭氏曰秬鬯黑黍酒也謂之鬯者

芬香條鬯也王錫召虎以鬯酒一尊使以祭其宗廟

告其先祖

孔氏曰釋器云卣中尊案鬱人掌和鬱

鬯以實彝而陳之則鬯當在彝而此及尚書左傳皆

云秬鬯一卣者當祭之時乃在彝賜時未祭故卣盛

之鄭氏曰周岐周也自用也宣王欲尊顯召虎故

如岐周使受山川土田之賜命用其祖召康公受封

之禮岐周周之所起為其先祖之靈故就之

孔氏曰時實周

世而特言于周受命明非京師以虎祖康公在岐周事文武有功而受采地今虎嗣其業功與之等故往岐周命之祭統云賜爵祿必於太廟以岐是周之所起有別廟在焉拜稽首者受王命

策書也臣受恩無可以報謝者稱言使君壽考而已

虎拜稽首對揚王休作召公考天子萬壽明明天子令

聞

音問

不已矢其文德洽此四國

鄭氏曰揚稱揚對荅休美作為也毛氏曰考成也

陳氏曰王休王之休命也召虎受此休命以對揚

於王下以告成於召公

朱氏曰作召公考當闕之以俟知者

毛氏曰

矢施也洽和洽也

朱氏曰明明天子令聞不已矢

其文德洽此四國此召虎所以稱願其君之辭言武

功之不可恃亦所以戒之也

江漢六章章八句

常武召穆公美宣王也有常德以立武事因以為戒然

毛氏曰詩中無常武字召穆公特名其篇

赫赫明明王命卿士南仲大

音泰下同

祖大師皇父整我六

師以脩我戎既敬既戒惠此南國

孔氏曰赫赫明明者宣王命將之顯也 王氏曰所

命之卿士言其世則以南仲為太祖言其官則大師

言其字則皇父也 鄭氏曰南仲文王時武臣也以

修我戎是治其甲兵之事命將以本其祖者因有世

功於是尤顯 蘇氏曰宣王命其卿士皇父南征徐

方皇父以卿士而無太師 孔氏曰當恭敬而臨之

戒懼而處之 董氏曰伐其暴亂所以惠之也

王謂尹氏命程伯休父左右陳行戶剛反 戒我師旅率彼

淮浦省此徐土不留不處三事就緒

毛氏曰尹氏掌命卿士

蘇氏曰尹氏尹吉甫也

程伯休父始命

為大司馬

李氏曰楚語曰重黎氏其在周程伯休父其後也當宣王時失其官守為司馬氏是

程伯休父嘗為司馬

浦涯也

孔氏曰上命元帥此命司馬王

謂其內史大夫尹氏汝當為策書命此程國之伯字

休父者為大司馬

鄭氏曰軍禮司馬掌其誓戒孔氏

曰司馬職云大
師掌其戒令

蘇氏曰使之左右陳其行列而戒

令之曰徃循淮之上而視徐土無久留處其地以患

苦其民

鄭氏曰三農之事皆就其業

孔氏曰太宰九職一曰三

農生九穀

注云三農原隰及平地朱氏曰三農上中下農夫也

朱氏曰徐土徐

州之土淮北之夷也下章所謂徐方徐國亦即此爾

上章既命皇父而此章又命程伯休父者蓋王親命

太師以三公出將而謂內史命司馬以六卿副之耳

赫赫業業有嚴天子王舒保作匪紹匪遊徐方緝

音騷

震驚徐方如雷如霆徐方震驚

王氏曰赫赫顯也業業大也 毛氏曰舒徐也保安

也 鄭氏曰作行也 蘇氏曰紹急也

說文曰紹糾緊也

毛氏曰遊遊遊也 朱氏曰繹連絡也 毛氏曰騷

動也 蘇氏曰王之南征也人望其赫赫業業之威

而畏之曰有嚴哉天子也然王則徐而安行不急不

緩而徐之人莫不震動如雷霆作於其上不遑安矣

王奮厥武如震如怒進厥虎臣闕

呼檻反如虢

火交反虎鋪

普吳敦淮漬

符云反

仍執醜虜截彼淮浦王師之所

孔氏曰既到淮浦臨陣將戰王乃奮揚其威武如雷之大震其聲如人之勃怒其色言嚴威之可懼也即進而與其虎臣之將鬪然如虓怒之虎令布陳敦厚之陣於淮水漬涯之上就執其衆虜毛氏曰虎之自怒虓然朱氏曰進鼓而進之也王氏曰鋪敦厚集其陣朱氏曰仍就也老子曰攘臂而仍之截彼淮浦王師之所截然不可犯之貌

王旅嘽嘽

吐丹反

如飛如翰如江如漢如山之苞如川之

流縣縣翼翼不測不克濯征徐國

孔氏曰王旅王之師旅

毛氏曰嘽嘽然盛也疾如

飛摯如翰

鄭氏曰如鳥之飛翰其中豪俊也孔氏曰鳥飛已疾翰又疾於飛若鷹鷂之類摯

擊衆鳥者也

鄭氏曰江漢以喻盛大也

孔氏曰軍旅之衆其廣長似之

也

毛氏曰苞本也

孔氏曰山之桑本陳氏曰如山之苞止

孔氏曰

兵法有動有靜靜則不可驚動故以山喻動則不可

禦止故以水喻

李氏曰縣縣不可得而絕翼翼不

可得而亂 朱氏曰不測不可知也不克不可勝也
毛氏曰濯大也

王猶允塞徐方既來徐方既同天子之功四方既平徐
方來庭徐方不回王曰還歸

蘇氏曰猶道也 鄭氏曰允信也 朱氏曰塞充塞
也 鄭氏曰既來已來告服 孔氏曰既同與他國
同服於王 鄭氏曰來庭來王庭也回猶違也還歸
振旅也 朱氏曰於是王命班師矣言王道甚大而

遠方懷之非獨兵威然也所謂有常德以立武事因
以為戒者此也 劉氏曰武成則戒黷故曰還歸者
止於義也

常武六章章八句

瞻印

音仰

凡伯刺幽王大壞也瞻印昊天則不我患孔填

音塵

不寧降此大厲邦靡有定士民其瘵

側界反

蘇音牟賊蘇

疾靡有夷屆罪罟不收靡有夷瘳

勅留反

毛氏曰填久厲惡瘵病也

朱氏曰厲亂也

歐陽氏曰述民

呼天而仰訴之辭也言天不惠養我使久不安而降
此大惡謂命此幽王為君故使邦靡有定而士民病
也 王氏曰夷平也 鄭氏曰屆極也如蝱賊之害
禾稼無有止息時施刑罪以羅網天下而不收斂亦
無止息時 毛氏曰大田傳曰食根曰蝱食節曰賊
孔氏曰蝱賊是害禾稼之蟲疾是害禾稼之狀
蘇氏曰國有所定則民受其福無所定則受其病於
是有小人為之蝱賊刑罰為之罔罟凡此皆民之所

以病也

人有土田女反有之人有民人女覆奪之此宜無罪女

反收之彼宜有罪女覆說

音之稅

鄭氏曰人有土田女反有之人有民人女覆奪之此

言王削黜諸侯及卿大夫無罪者覆猶反也收拘也

說赦也

哲夫成城哲婦傾城懿厥哲婦為梟

反古堯

為鷁

反處之

婦

有長舌維厲之階亂匪降自天生自婦人匪敎匪誨時

維婦寺

王氏曰幽王如上所刺則荒昏故也其荒昏則婦言
是用故也 毛氏曰哲知也 朱氏曰傾覆也 鄭
氏曰城猶國也 歐陽氏曰士多才智者則能興人
之國 王氏曰婦人以無非無儀為善無所事哲哲
則適以傾城而已 陳氏曰懿美也 鄭氏曰厥其
也梟鵠惡聲之鳥喻長舌婦 朱氏長舌能多言者
也階梯也 古注云言幽王以哲婦為美 鄭氏

曰長舌喻多言 李氏曰婦人之多言乃為禍亂之

階 歐陽氏曰婦寺者謂婦人與寺人言婦寺者舉

類而言爾 蘇氏曰言王不用教誨之言維婦寺是

聽也

鞫人忤

之鼓反

忤譖始竟背

音佩

豈曰不極伊胡為慝如賈

古三倍

音蒲罪反

君子是識婦無公事休其蠶織

鄭氏曰鞫窮也

毛氏曰忤害忤變也

鄭氏曰婦

人之長舌者好窮屈人忤害轉化其言無常 李氏

曰其始也譖是人其終也又從而背之蓋其好惡予奪惟其口之出而已 蘇氏曰胡何慝惡也 陳氏

曰極至也如是而窮人豈曰不至矣乎何尚為惡而未已也 鄭氏曰識知也賈物而有三倍之利者小

人所宜知也君子反知之非其宜也今婦人休其蠶

桑織紝之職而與朝廷之事其為非宜猶是也 孔氏曰婦

人之不宜與朝廷公事而休止蠶織惟干預男子之政

天何以刺何神不富舍爾介狄維予胥忌不弔 如字不

祥威儀不類人之云亡邦國殄瘁

似醉反

毛氏曰刺責也類善殄盡瘁病也

蘇氏曰介大也

弔閔也天何用責王神何用不富王哉凡以王信用

婦人之故王曾不悟將有夷狄之大患舍之不思而

忌君子之正王者

王氏曰王乃舍狄弗以顧與予胥忌而已凡百大臣之忠賢者而與

顧命之大臣胥忌則孰與王為善者乎

夫天之降不祥庶幾王懼而自

脩今王遇灾而不弔不慎其威儀

朱氏曰今王遇

灾而不弔不慎其威儀又無善人以輔之則國之殄

瘁宜矣

天之降罔維其優矣人之云亡心之憂矣天之降罔維其幾矣人之云亡心之悲矣

鄭氏曰降罔下羅罔 蘇氏曰天降禍以執有罪如

罔之執禽獸也憂多於前也 毛氏曰幾危也 鄭氏曰幾

也近 東萊曰前章曰不弔不祥威儀不類故此譬之

曰維其憂矣維其幾矣前章曰人之云亡邦國殄瘁
故此傷之曰心之憂矣心之悲矣

臍

音必沸弗

檻泉維其深矣心之憂矣寧自今矣不自我

先不自我後藐藐

亡角反

昊天無不克鞏無忝皇祖式救

爾後

鄭氏曰檻泉湧出也

孔氏曰李巡曰水泉從下上出曰涌泉

臍沸其貌

涌泉之源所由者深喻已憂所從來久矣不先已不

後已怪何故正當之毛氏曰鞏固也朱氏曰藐

藐高遠貌鞏固也言天雖高遠然仁愛人君無不鞏

固其命鄭氏曰式用也後謂子孫也李氏曰幽

王苟能側身修行上焉有以繼其祖宗下焉亦可以
救其子孫也 東萊曰克能也幽王之國勢自人觀
之則不可扶持天則無不能鞏固也雖然所謂天者
亦豈可外求哉

瞻卬七章三章章十句四章章八句

章句從毛
鄭八章從

王
氏

召旻

密中
反

凡伯刺幽王大壞也

蘇氏曰因其首章稱旻天卒章稱召公故謂之召旻

以別小旻而已

旻天疾威天篤降喪瘖

都田反

我饑饉民卒流亡我居圉

魚呂反

卒荒

陳氏曰凡言天者上天也

鄭氏曰疾猶急也篤厚

也喪亂也瘖病也民卒流亡民盡流移

毛氏曰圉

垂也

鄭氏曰荒虛也國中至邊境盡空虛

朱氏曰居國中

也

天降罪罟蟲賊內訌

戶工反

昏秬

丁角反

靡共

音恭

潰潰回遹

律音實靖夷我邦

毛氏曰訏潰也 蘇氏曰小人為姦賊以潰其內

天祿也 朱氏曰昏祿昏亂祿喪之人也 蘇氏曰

昏祿羣不恭之人 毛氏曰潰潰亂也 孔氏曰潰

潰然邪僻 王氏曰昏祿靡共潰潰回適實靖夷我

邦則言所使靖夷我者非其人也靖與俾予靖之同

意夷與亂生不夷同意 東萊曰天降罪罟所謂天

之降罔也

臯臯

音焦訛訛

音紫

曾不知其玷

丁簞反

兢兢業業孔填

音塵

寧我位孔貶

毛氏曰臯臯頑也

王氏曰臯臯然緩而不共職訛

訛然以苟訛為事乃曾不知其為玷也

朱氏曰小

人在位王不知其缺也

毛氏曰貶隊也

鄭氏曰

兢兢戒也業業危也天下之人戒懼危怖甚久矣其

不安也我王之位又甚隊矣言見浸侮政教不行後

犬戎伐之而周與諸侯無異也

如彼歲旱草不潰

戶對反

茂如彼棲

音苴反

士始反

我相此邦

無不潰止

毛氏曰潰遂也

鄭氏曰天下之人如旱歲之草皆

枯槁無潤澤如樹上之棲苴

蘇氏曰苴枯草也

王氏曰民

蕩析離散無復生理故如彼棲草也

鄭氏曰潰亂

也 孔氏曰我視此邦無有不亂

維昔之富不如時維今之疚不如茲彼疏斯稗

彼賣反

胡

不自替職兄

音斯引

鄭氏曰時今時也茲此也 毛氏曰疚病也 朱氏

曰昔之富未嘗若今之疚也今之疚未有若此之甚

也 毛氏曰彼宜食疏今反食精糲

劉氏曰疏麓也謂糲米也米之

率糲十稗九鑿八詩御也

孔氏曰凡章粟米之法

云粟率五十糲米三十稗二十七鑿二十四詩御二

十一

粟五升為糲米三升以下則米漸細

故數益少四種之米皆以三約之得此數也

李氏

曰小人當食疏而乃食精糲以見小人食君子之祿

也 毛氏曰替廢况茲也引長也 鄭氏曰職主也

小人何不自廢退使賢者得進乃茲復主長此為亂

之事乎

李氏曰乃復主此禍亂之事而日滋月長也

池之竭矣不云自頻泉之竭矣不云自中溥

音

斯害矣

職兄

音

況斯弘不裁

音

我躬

孔氏曰池水之益由外灌焉

毛氏曰頻厓也泉水

從中以益者也

蘇氏曰池之竭由外之不入泉之

竭由內之不出

朱氏曰言禍亂有所從起也

鄭

氏曰溥猶偏也今時偏有此內外之害矣

朱氏曰

小人猶復專益大之是豈不裁我躬乎

李氏曰是不裁王之身乎

昔先王受命有如召公曰辟

音開

國百里今也日蹙

子六反

國百里於乎哀哉維今之人不尚有舊

鄭氏曰先王受命謂文王武王時也召公召康公也

毛氏曰辟開蹙促也李氏曰維今之人不能尚

舊德之臣蘇氏曰世雖亂豈不猶有舊德可用之

人哉言有之而不用耳

召旻七章四章章五句三章章七句

蕩之什十一篇九十二章七百六十九句

欽定四庫全書

呂氏家塾讀詩記

卷八

呂氏家塾讀詩記卷二十七